

SCRIPT OF MORNING GOJRI NEWS BULLETIN 25APRIL 2025

1015HRS

مارننگ گو جری نیوز بلیٹن مورخہ 25 اپریل 2025

یوہ آکا شوانی جموں ہے عبدالرحمان تین خبر سُنو۔

ALL PARTY MEET

وزیر اعلیٰ عمر عبداللہ غی صدارت مانہ بلائی گئی کل جماعتی میٹنگ کل ایک قرار دار سنگ اختتام پزیر ہوئی جس مانہ پہلگام مانہ سیلانیوں ور حملہ غی مزمت کی گئی تے امن ہم آہنگی ترقی واسطے مل غے کم کرن غی ضرورت ور زور دتو گیو اس میٹنگ مانہ رہنماواں مزہبی اداراں نوجواناں غی تنظیمیں سول سوسائٹی تے زرائع ابلاغ اداراں نانہ اپیل کی گئی جے وے امن قائم رکھیں تے اشتغال انگریزی تین بچیں وزیر اعلیٰ نے حالیہ وحشیانہ دہشت گرد حملہ ور شدید صدمہ تے دکھ غو اظہار کیو اس میٹنگ گا شرکاء نے کہیو جے وے جموں کشمیر غی کل جماعتی میٹنگ مانہ شرکت آلا تمام تے ۲۲ اپریل ۲۰۲۵ نانہ پہلگام مانہ معصوم شہریاں ور ہون آلا وحشیانہ حملہ ور گہرہ دکھ تے صدمہ گو اظہار کرتا واں اس قرار دار نانہ منظور کریں۔

DY CM

نائب وزیر اعلیٰ سریندر چودھری تے وزیر اعلیٰ غا مشیر ناصر اسلم وانی نے کل مہارا شترہ غا نائب وزیر اعلیٰ ایکٹاہ شندے سنگ ملاقات کی تے پہلگام دہشت گردانہ حملہ مانہ مہاراشترہ گا شہریاں غی ہلاکت ور دلی تعزیت گو اظہار کیو ملاقات غے دوران جموں کشمیر غا نائب وزیر اعلیٰ نے مہاراشترہ مانہ مقیم کشمیریوں غی سلامتی ور تشویش گو اظہار کیو اس سلسلہ مانہ جناب شندے نے مکمل تعاون غی یقین دہانی کرائی تے کہیو جے جموں کشمیر غا باشندان غو خیال رکھنوں اُن کی حکومت غی ذمہ داری ہے۔ انہاں نے اس مقصد واسطے ایک خصوصی ہیلپ لائن نمبر تے نوڈل آفیسر غی تقرری غو وی وعدہ کیو نائب وزیر اعلیٰ سریندر چودھری تے وزیر اعلیٰ غا مشیر ناصر اسلم وانی نے کہیو جے معصوم شہریاں نانہ نشانوں بنانوں نہایت قابل مزمت تے بڑ دلانہ عمل ہے۔

SATISH SHARMA MIAN ALTAF

ٹرانسپورٹ غا وزیر ستیش شرما تے لوک سبھا مانہ ممبر پارلیمان میاں الطاف احمد نے اننت ناگ مغربی حلقہ گا ممبر اسمبلی عیدل مجید بٹ غے ہمراہ کل گورنمنٹ میڈیکل کالج اننت ناگ گو دورو لاغے درد ناک پہلگام دہشتگردانہ حملہ مانہ ہوا زخمیاں سنگ ملاقات کی اس دورہ غو مقصد ان زخمیاں غی صہت یابی بارے پتو لائنوں ات صحت سہولیات گو معائنوں کرنوں تے زخمی متاثرین افراد نانہ دستیاب علاج غو جائزوں لینوں تھو اس موقع ور وزیر موصوف تے ممبر پارلیمنٹ موصوف نانہ زخمیاں غی موجودہ صحت بارے تے انہاں نانہ تے اُن گا خاندانان گا افراد نانہ طبی علاج تے لیان لیجان غی سہولت دتا جان بارے تفصیلاً جانکاری دتی گئی وزیر ممبر پارلیمان تے ایم ایل اے موصوف نے زخمیاں تے اُن گا کنبہ گا افراد سنگ بات چیت کی تے انتظامیہ غا مکمل تعاون گو انہاں نانہ یقین دوايو۔

DIV COM JAMMU

صوبائی کمشنر جموں رامیش کمار نے پولیس گا انسپکٹر جنرل جموں بھیم سین توٹی نے کل کشتواڑ گو دورو لاغے اُت امن قانون غی صورتحال گو جائیزو لیو ہے اُنہاں نے پولیس فوج تے سول انتظامیہ گا افسراں غی ایک میٹنگ منعقد کی میٹنگ غے دوران ضلع مانہہ حفاظتی انتظامات تے امن وقانون غی صورتحال گا مربوط جائیزہ ور زور دتو گیو تے ضلع مانہہ حفاظتی صورتحال نانہہ یقینی بنان ور زور دتو گیو بعد مانہہ صوبائی کمشنر نے سالانہ سری مچیل ماتا یاترہ بارے چل رہیا انتظامات گو وی جائیزو لیو۔

DC RAMBAN

ڈپٹی کمشنر رام بن بصیر الحق چوہدری نے کل رام بن شہر غی ساری متاثرہ وادڈز غو جامع دورو کیو تانجے زمینی صورتحال گو جائیزو لیو جاسکے متعلقہ محکمہ گا افسراں غے ہمراہ ڈپٹی کمشنر موصوف نے متاثران خاندانان گا کہراں گو دورو لایو نقصانات غو معائنو کیو تے فوری موثر امداد وبحالی واسطے زمینی حقائق غو دورو مستقبل غی منصوبہ بندی تے ایسا نقصانات نانہہ کہٹ کرن واسطے حکمت عملی مرتب کرن ور وی مرکز رہیو بحالی گا کماں تے ملبو ہٹان غی کاروائی غو جائیزو لیتا واں ڈی سی نے متعلقہ افسراں نانہہ کم مانہہ تیزی لیان غی ہدایت جاری کیں۔

WORLD NEMISMATIC WEEK 2025

پرنسپل سکرٹری برائے ثقافت برج موہن شرما نے کل جموں گا کلا کیندر مانہہ ۲ روزہ نایاب سکاں غی نمائش گو افتتاح کیو۔ یاہ تقریب محکمہ ثقافت حکومت جموں کشمیر غے زیر سرپرستی کلا کیندر غی طرفوں سکے یا پُرانی کرنسی جمع کرن غے متعلق عالمی ہفتہ ۵۲۰۲ غی مناسب سنگ منعقد کی گئی۔ اس موقع ور فن سنگ محبت کرن آلا تے معزد مہمانان غی بڑی تعداد اُت موجود تھی۔ اپنا خطاب مانہہ برج موہن شرما نے کہیو جے یوہ ہر سکر محض دھات غو ٹکڑو نہیں بلکہ تاریخ ثقافت تے روایت غو گواہ ہے یہ تجارت حکومت سلطنتاں تے مہادہ آباؤ اجداد غی روز مرہ زندگیاں غی فصہ گو ہیں۔

BMC DODA

ضلع حیاطیاتی تنوع انتظامیہ کمیٹی ڈوڈہ غی طرفوں علاقائی جنگلاتی دفتر مانہہ کل ایک میٹنگ منعقد کی گئی۔ جس غی صدارت ضلع ترقیاتی کونسل گا پرسن نے کمیٹی گا سربراہ دھنانتھر سنگھ کوتوال نے کی میٹنگ غے دوران علاقہ مانہہ اچیری حیاطیات تے اس غا رکھ رکھاؤ بارے حکمت عملیاں تحفظاتی اقدامات تے پائیدار مقامی زرائع نانہہ برقرار رکھن ور غور کیو گیو۔ اس موقع ور روایتی تجریاں بیداری غی ضرورت ور وی زور دتو گیو۔
